

童山文集

章山文集卷十四

綿州李調元甫村

跋下

山海經補註跋

周書昌大史嘗爲予言升菴先生著有水經補註山海經補注二書疏釋精確足補酈道元郭景純所未備惜水經注早佚存者惟山海經一卷耳予亟借而錄之按何宇度益部談資水經補注在所見已刻三十種之內而山海補注則云已刻未見者今此本存而彼轉逸何顯晦之各不侔也仁和趙一清作水經注釋四十卷引

據原校二十九人升菴居其首則先生之書固有存者
予特未之見耳又本朝檢討吳在臣博採衆說作山海
經廣注見於浙江採輯遺書總目予近日乃見其書中
多取先生之說而折衷焉則雖不見升菴全書亦可窺
其一斑矣

莊子闕誤跋

莊子闕誤一卷見於焦竑所刻升菴外集中每條下所
附則採升菴經子難字中之莊子難字也難字一書余
偏採未獲故仍之按明代著書博洽者無過于升菴與
竑而竑有莊子翼八卷末亦載莊子闕誤一卷不題升

菴作而據爲已有明人好襲竝尙不免他何論乎

古雋跋

古雋者升菴讀諸書摘錄古雋之語以備觀覽者也前唐馬總有意林五卷皆摘諸子語然未有成段錄者此則一段一篇皆摘之其體例又在意林之上有此書則近時坊刻之諸子彙函諸子奇賞金丹粹白之書俱可不讀矣

哲匠金桴跋

哲匠金桴升菴所採錄之韻府也考諸鄭箋築牆者桴聚壤土盛之以藁而投諸板中工匠之所必需也譬之

名言麗句隨所得而致之囊中故以名書爾此書抉艷
詞林搜奇筆海上溯周秦漢魏以至宋元凡古之經史
子集語關對偶皆擇其精者錄之實泛詩濤者之仙槎
也每條皆注人名或心解釋于下出語極古按書內四
支韻子欲居九夷自註云余謫滇南同年提督孫繼芳
命知州馮古建鳳嬉亭于趙州以居余則此書乃戍所
借以消遣而後學慕之且以爲詞學藉以沾丐焉故外
間刻本尙有云

均藻跋

楊升菴說文先訓云古字無韻字均卽韻也從禹愷切

按鵠冠子曰韻均也均不同聲也升菴平生精于韻學而此書則雖依韻編次單爲詞翰設不言韻也大抵非詞藻古艷者不錄故曰韻藻與哲匠金桴書異而體同但彼則摘其對偶此則摘其散句彼取之各人文集此取之經史子各書故彼以人名註此以書註微不同也每條亦小有注釋或別引書以爲証皆先生原本云

古音駢字跋

博極羣書旁及鍾鼎銘識其於字之相同而互用者作爲古音駢字四卷以補說文玉篇之闕昔先生補註山海經於雒山條下注云雒古字後人改刻作鵠此

等古字宜存之甚矣今人之多妄也

畫品跋

唐李嗣真續畫品錄畫家作上中下三等每等又各第以三朱景元名畫錄目分神妙能逸爲四品宋劉道醇作五代名畫補遺目錄有神妙能而不列逸品蓋筆精墨妙根于人心士各有好不可誣也升菴自十一二歲時與季父瑞虹龍崖二公論畫作詩大蒙訢賞見於年譜及此編所自記令觀其詞幽通微妙能得畫之神髓令閱者於言外得之昔東坡論王維吳道子畫詩末句云吾觀二子皆神俊又於維也歛衽無間言玩斯言也

蓋卽東坡之所以品畫者乎觀升菴品畫者卽作東坡詩觀可也

滇載記跋

滇載記者升菴居滇所記蒙段七姓之事也七姓者張氏蒙氏鄭氏趙氏楊氏段氏高氏卽史稱西南爨靡莫之屬也其屬以千數而滇最大元封中以兵臨滇王舉國降時未有稱及張氏受姓後世遂爲長司然七姓之中維蒙段最久升菴成滇時求蒙段之故于圖經而不得聞其籍于舊家有白古通元峯年運志其書用契文義兼象教稍爲刪正令可讀故曰滇載記蓋原有是書

而先生刪節之也。滇人已爲內地矣。覽此記也。猶想前從事列箚落而郡縣之馴鱗介而衣裳之之景象也乎。

世說舊注跋

宋臨川劉義慶撰世說新語三卷。梁劉孝標註段成式酉陽雜俎引作世說新書。不知何時改作新語。相沿至今。不能復正。唐藝文志作世說十卷。有劉孝標續十卷。今其本不傳。書錄解題作三卷。與今同。載據注藻所云原錄二卷。首爲考異。繼列人物世譜。姓字異同。末記所引書目者。則又佚之久矣。孝標所註。特爲詳贍。故高似孫緯畧亟稱之。其糾正義慶之繆尤爲精核。故與裴松

之三國志註酈道元水經注李善文選注皆考證家所
不可少之書但多爲後人刪存之可惜升菴自序孝標
全本予猶及見之故爲此書以補孝標之佚則意所佚
之續十卷內語乎雖篇頁無多可寶也古書亡者多矣
非有博覽如升菴不幾佚而竟佚乎

武后石淙碑刻跋

石淙碑者武后與群臣侍宴賦詩紀遊之石刻也武后
中宗妃并州文水人荊州都督士彥之女永徽六年立
爲皇后中宗卽位稱皇太后臨朝尋自稱皇帝改國號
曰周自名嬰在位二十二年中宗反正諡則天順聖皇

后有垂拱集百卷金輪集六卷所創製字多見各字書
點畫小異釋音作十二字六書畧作十八字今所見石
滌共三十九字除其重複實十七字也其中有非古文
而后創者亦有本古文而后用者夫古文遠矣而創意
變更者卒皆起于季世然亦不止武后也考通志畧云
創意者昺春煥三字並音桂乃秦博士桂真之後避地
別居各撰其姓之文而不殊本者又云竄音鬱茵音迄
翼音觥羿音磧鉅音芥品音舉冠音褒焚音攤八字孫
亮命子桂據氏命姓孫氏命子制十一字惟煥猶得桂
聲而又無義餘十字聲義兩途俱不通文而非文字而

第五册跋

余生平酷愛楊誠齋忽有野香尋不得蘭于石背一花
開之句爲工于言蘭屢爲客舉誦今鶴峯圖蘭于大石
之後數花掩映若見若隱可謂工于摹誠齋詩意矣馬
遠輩畫蘭但解粗枝大葉恐不能如此體貼入微也

第六册跋

此册專爲蘇東坡處士風流石間一語寫照畫蘭不
極之水不足以招江離之魂不極之石不足以寫汨羅
之憾水瀾瀾兮石齒齒懷蘭英兮一望千里神乎技矣

第七册跋

畫目之集 卷十四
宋郭麟孫題子固蘭蕙圖云寫蘭以左筆爲佳此圖筆
筆向左皆作雨披風偃之勢洵神品也香風一夕從西
來數片湘雲忽吹墮吾將爲鶴峯詠也

第八冊跋

學畫必先能書蘇黃集中每言之故古人畫墨竹者多
以籀篆飛白章草法行之余謂畫蘭亦然不明乎側勒
努趯策掠啄磔之勢雖畫不工也鶴峯書本二王法
故其畫蘭亦出入法中出本無他異人自不知爾有識
者必以余爲知言

第九冊跋

此幅別出新意於幽篁叢竹間畧撇數葉更覺神韻生
動元僧覺隱曰我嘗以喜氣寫蘭以怒氣寫竹蓋謂蘭
葉勢飄舉花蕊舒吐得喜之神竹枝縱橫錯出如矛刃
森向得怒之氣也鶴峯爲人蘊藉與余交累月但見其
喜不見其怒故終覺蘭爲優而竹較次

第十冊跋

詩與畫相表裏未有能畫而不能詩者鶴峯詩名爲蘭
所掩故人皆知其能畫不知其能詩也王子夏寓綿竹
時嘗獨遊祥符寺醉後戲寫墨蘭于壁自題云瘦憐芳
草滯天涯東抹西塗興轉賒偶到禪林欣撥墨不知是

我是蘭花余異日過見之笑曰鶴峯乃蘭花精也今此册專寫蘇東坡知是風流楚客魂詩意則又可稱蘭花神矣

第十一册跋

墨蘭大要以淡爲主所謂淡者天骨自然脫去塵俗也故不作聲色愈淡而愈工若有意爲淡去之愈遠矣姜白石論書云亦須人品高李日華亦曰人品不高用墨無法乃知鶴峯墨蘭之高亦由人品高也

第十二册跋

鶴峯既工墨蘭又工集詩集蘇外尚有所集王漁洋題

蘭五古截句皆極天衣無縫而心印尤在玉局故作膽
瓶插花冊以示瓣香供奉之意也主右丞詩云宿世謬
詞客前身應畫師吾于鶴峯亦云

童山文集卷十五

綿州李調元雨村

祭文

祭叔其勝文

嗚呼士農敦本舊傳吾族不有耕者何以能讀羅江科
名我父開先不有襄者何以獨賢譬諸齒唇亡寒相護
譬諸手足抑搔相顧自英華公創立田園吾父帶經吾
叔駕轅自登籍後定省是缺吾父彈冠吾叔守業以此
成家內憂無他不逾十年甲第巍峩以此裕後漁獵經
史子姪四人昆仲繼美凡此之類皆叔之勲憐其辛苦

無以報功自弟出繼感叔仁慈天愍繼體錫以麟兒自
父之亡推叔之壽七十古稀共樂林園自鼎得宜勉叔
以封仰惟孝友火藻華蟲自姪歸里跼步不出酒食過
從晨夕穆穆謂叔碩德悼願無愆豈知溘逝丹旆翩翩
自叔之病姪在什邡聞訃奔歸叔已殮藏聞叔之亡屢
念七弟感叔託言酸鼻泗涕今當歸窆姪在台山望靈
而慟促駕來還今當撤奠姪具錢帛撫棺而祭神其來
格嗟叔無憂有子克荷喪不失禮稱家無墮嗟叔無歉
有姪立傳光輝宗譜是鼎書勸東至普陀北至幽燕人
跡不到叔已往還片帆巫峽正馬建昌人力不能叔已

身嘗躬受褒封非子寵錫咎兒老翁其誰能及老始得
子又屈成人白髮諸兄其誰效顰嗚呼我叔可以無愧
倘是姪言含笑一醉

祭叔香如文

嗚呼我叔其果亡兮歲在龍蛇賢人傷兮乘彼白雲在
帝京兮山川險阻望歸航兮自春啟輶經徐揚兮江湖
多風逆水搶兮木葉旣下波濤狂兮巫峽猿啼霧蒼蒼
兮兩蛟夾舟如飛翔兮闌風伏雨殆備嘗兮屠維作噩
乃還鄉兮望見丹旛涕泗滂兮山頽木壞吾安望兮嗚
呼我叔理學希兮模言楷行世所推兮豈惟猶子實我

師兮予方垂髫事戲嬉兮夏楚二物收其威兮得紫香
囊立焚之兮蚯蚓蟠龍謂能詩兮千里之駒舍其誰兮
床頭周易剖析微兮春蠶食葉惜試闌兮若有一个先
得驪兮宰予朽木乃追隨兮柳不染衣爲神諶兮扁舟
南下浪如雷兮我父宰姚在會稽兮秘圖聚首年甫期
兮遭祖哀訴賦離駒兮嗚呼我叔孝達天兮乍浦俶裝
刻日還兮鳳嶺雞頭虎守關兮月黑杆斷墮叢巒兮前
幾忽明若有神兮撫棺大慟血杜鵑兮墓道旣成乃養
親兮豈無百忍食指繁兮卜宅西偏創業難兮祖母承
歡孟光賢兮繼又登遐孝如前兮兩忝我父慰黃泉兮

維叔之孝人共傳兮嗚呼我叔善教子兮擬之賈班猶
逾彼兮鼎弟總角患學弛兮鄉塾擇師無可恃兮吳越
之遊實爲此兮海寧梧岡授經始兮石室登薦名雀起
兮戊戌傳臚三甲峙兮遂登瀛洲授太史兮驥弟好學
不窺帷_叶兮叔恐稍惰同襍被兮遂掇巍科如摘髭_叶
兮甲辰金榜並拖紫兮同袍青瑣世無比兮本弟雖遲
折桂蕊兮人稱三鳳實無恥兮揚名顯親固其所兮
不有此喬安有粹兮未竟之志克續似兮錫之儒林如
身仕兮知叔含笑瞑目喜兮嗚呼我叔遭非苟兮乾隆
八十逢國壽兮大宴乾清宴千叟兮天子珍

從容黃耆兮諸王捧卽酌大斗兮金盤玉筋大官占兮
腐儒飽飲恩詎偶兮

天子曰否爾其受兮錫爾鳩

杖拄爾手兮摩尼磁帶鏘趨走兮緞綾綢紗製汝手兮
洋盤螺爵盛旨酒兮貴陽皮盃滑醴滃兮貂蟬之子子
孫寶兮凡百如意惟爾取兮再拜稽首

天寵厚兮臣

雖不文敢或後兮恭紀詩章十二首兮維時我蜀孰獲

剖分周

煌

劉威及李俊

後

四皓有兮

如此被寵誰比醜兮

知叔九原願世守兮嗚呼我叔何竟仙兮誥綬初新閭

盈軒兮

一

門華轂玉樹駢兮非叔陰德報何綿兮况皆

侍從或宰官兮祿養重重福無邊兮叔于其間享延年

兮胡爲羽化適當年兮致拋家累隔幽燕兮室如懸磬
其孰憐兮孟季頗幹扶歸棺兮仲也文弱告連遭兮飄
蕩兩粵幸身全兮先後回綿心乃寬兮嗚呼我叔其知
姪兮自登仕籍多磨折兮豈惟人排亦自失兮幸贖身
歸守蓬華兮又遭運舛孽可活兮陽膚不矜屈刀筆兮
賊戇音斛濁人或譎兮似讖而非十鎰沒兮因之杜門
跼不出兮便欲入山一披髮兮子息尙稚孰提挈兮仙
能忍辱卽爲佛兮巧任人爲但守拙兮樓有萬卷日披
閱兮豈曰著書亦或述兮嘯傲花間得句札兮以此優
游遣孤子兮叔有三良姪無一兮老填溝壑誰其恤兮

曾記別叔道忠告兮屢接誠書如嚴罰兮姪不出山叔
或必兮山不可留叔安暫兮自叔仙遊過誰叱兮每一
撫膺冠欲絕兮今當歸窆在九月兮一籬僅隔豈不悉
兮有覩無扣音愧芻苢兮聊歌薤露代執紼兮靈其有
知鑒此潔兮

戶部河南司郎中袁松山公墓表

公諱承綬號松山始祖諱彥忠明洪武初由直隸棗強
遷山左世爲長山人九傳至高祖諱治性曾祖諱雲蒸
子二長景芳次景文景芳舉兄弟五人長承紉官廣西
柳州府知府次承祖官刑部司務四承績候補都察院

都事五承約原任禮部司務監督大通橋二卽公也公
生而穎異不苟言笑年二十補博士弟子員性喜法書
行楷皆精人爭求之雍正元年公太翁在巴里坤辦軍
需得腿疾告歸未幾捐館舍兄承紉守柳州兩弟俱幼
公悉引爲己任自名其居曰怕怕堂兄乏嗣母憂之鈿
甫滿月卽出嗣焉母疾日侍湯藥衣不解帶者累月服
闋公兄勸公仕乾隆十三年遂遵例除授戶部河南司
員外郎乾隆十四年河南藩司條奏民間買賣田契法
事下本司酌議公謂貪吏以大報小奸名爭執訐訟實
緣契尾格式未明議將藩司頒發契尾編列號數後幅

空白預鈐司印以備銀數填寫令業戶看明騎字截開
平分爲二自難改換庶可於民無累於稅無虧遂定爲
例至今遵行又河南咨水涸田畝按例升科將議准行
公獨以水潦無時雖暫可佃種或旋爲澤渚一歸成額
恐復沉湮重以催科爲累百姓何堪遂議將升科田有
復被水潦難耕者仍准督撫查明請豁以舒民困執政
臆之其持正皆此類乾隆十六年兼上諭館行走
稽查旗務十七年墜本司郎中時五弟以禮部司務兼
督通州中倉適有言通倉虧缺率旨派員清查者人
吏惶懼不知所爲公獨曰倉穀陳因百餘年間尚未聞

太倉鼠耗今任事伊始安得有虧不知者借此建議

聖明在上自必已洞鑒情僞靜以處之當水落石出無
憂也未幾果盤查無缺人咸服公鎮定公素有怔忡疾
十八年請假歸里居南有園構屋數椽起小閣名曰養
拙蓋取老氏知止之義也閣下有池結草亭於北顏曰
松蔭公日與諸昆嘯傲其中視人間事泊如也公教子
最嚴長君始入學卽與鄉薦旋授內閣中書在軍機處
行走公書勤幹慎密四字寄之乙亥陞內閣侍讀丁丑
署吏部文選庚辰春因京察一等辛巳轉江西道監
察御史是年秋除兩浙鹽驛道長君以浙中山水甲天

下屢請迎養癸未春公輕騎減從自里門抵清江由水路歷淮陽遊姑蘇夏初至浙北新關遂坐山轎進杭是時長君方差家丁迎於姑蘇之間而不知已駕一葉之舟先至署前也聞門吏報曰轅門有客容貌甚偉辭以本官公出則云關人王姓識吾可令來見不知何許人家入趨出則公也公喜謂長君曰吾此來差可慰者汝作官之聲名尙不惡也西湖風景吾旣至當領畧大槩勿令人知隨帶一僮遍歷諸勝月餘不耐酷暑遂買州北歸公天性謙冲與人無忤非禮之來絕不與校獨建義學無力者悉來受書若遇歲歉則出餘粟以濟貧乏

人稱爲四佛將卒之夕聚其諸昆諸子姑姊妹談笑竟
夜忽曰吾大兒受國恩最重必大吾族吾無憂矣遂
卒噫異矣公生于康熙四十七年十一月十四日子時
歷官戶部河南司郎中覃恩誥封中憲大夫以長君
守侗貴誥贈通奉大夫如其官卒於乾隆三十一年十
一月十六日午時享年五十有九葬於祖山之陽男四
長守侗甲子科舉人廣西按察使司按察使娶石氏以
夫貴王公諱士慎曾孫女次守仲甘肅蘭州府河橋同
知娶張氏女次守佩出嗣官戶部廣西員外郎娶孫氏
次守仲邑庠生娶趙氏孫男二鎬銓長君守侗出一錫

次君守仲出二鎡鏐次君守卿出曾孫一鎬出同人與
長君同司素稔公之嘉言懿行也其家已請名公卿爲
墓銘矣同人因共爲墓表以寄之蓋銘以藏墓內表以
立墓外也文曰煌煌望族嶽瀆之光奕奕登朝邦家之
昌我聞善者長發其祥凡今之人孰與之亢

節婦黃氏墓表

節婦黃氏中江儒士仁鳳之女余益友之妻也十六于
歸甫六載而夫亡年纔二十一生一子人哲方四齡痛
不欲生水漿不入口者七日舅姑憂甚乃以撫孤養親
大義責之乃進粥婦素稟幽貞持家勤儉內言不出外

言不入閨門之內壺範肅然性尤孝家雖貧事雙親脂膏滫瀡必備敦木庖匪餽莫敢用雖典質不惜自用則菽粟而已數十年如一日也雙親疾病侍湯藥衣不解帶半年及相繼歿經營窀穸必親臨盡善乃已課子義方挑燈助績機聲與書聲輒夜不休人有夜行失火者輒曰黃氏家有燈云及長始令負笈擇師旋送入成均舉止有禮法人稱爲夫子皆節婦教也乾隆五十七年十一月初三日無疾而終享壽六十五歲守節四十五年蓋雖閭里主實實爲女中第一完人壬子葬于先人之祖塋里人公舉節孝有司以闡建坊旌表于濟之

南山子泰爲鄉人先已題其主例得表其墓乃爲叙次
其始末如此嗚呼可謂節婦也已文曰石之貞婦其有
栢之堅婦其守如日月各不朽如岡陵永同壽

童山文集卷十六

綿州李調元雨村

墓誌銘上

誥授文林郎翰林院檢討充國史館纂修鶴林張公墓誌銘

哀哉吾友其亡矣計吾友生平握手論交指不勝屈而相視莫逆唯余一人乃余以先人大故奔馳四方幾足跼目腫而吾友又頻年困卧床褥以至于歿不獲面訣痛何如乎昨已取其生平所爲詩文序之以授其子鑑矣今其子又求爲墓誌余曾憶生前吾友嘗相戲曰吾

若死必得君爲誌余竊怪其不祥然謂達者之言嗚呼
孰知其竟成識乎是非吾爲誌不可也公諱翬字鶴林
先世有官中書者自晉洪洞遷於秦涇陽之辛官里鼎
革後伯祖振祚以順治孝廉任江西泰和令一載卒於
官祖丕祚廩生父鳳徵年幼家貧遂棄學從商於四川
之成都因家焉生公三人長勰廩生三壽庚辰舉人現
任梓潼縣訓導次卽公也公幼好讀書不喜嬉遊性至
孝兒時從師塾中有遺以餅餌者必懷歸以食太孺人
以是識者知其不凡體素羸有百藥之目而手不釋卷
父母每痛抑之弗顧也丙辰家遭回祿生計愈艱乙丑

兄颺遊庠太封翁卽於是年捐館舍公與兄哀毀骨立
共坐苦廬而室如懸磬債若蝟集兄與公謀自携弟勸
授館於外家務俱命公主持時公年十七上事太孺人
下撫弱妹外應門戶凡井臼之事靡不躬親是時同里
胡公政者家頗裕公叩門求貸胡公哀其勤苦借粟若
千路頗遠公自負米而歸胡公目送之嘆曰孝子也隨
遣人議婚卽今孺人也而家計益迫兼年歉米貴公日
則爲人傭書夜則焚膏誦讀始於戊辰補博士弟子員
於是與兄俱館於外而束修所入不敵所出乃與兄謀
仍爲商作鹽販肩挑車運鬻於雲貴邊境龍宮虎窟跌

陷數次懸崖絕壁之間奔苦者幾三年而所獲卒無幾
公乃慨然曰利之不成名又安在大丈夫終當奮志青
雲焉能齷齪爲此乎卽先歸留兄收債於後遂閉戶卒
業以丙子歲考高等食廩遂入錦江書院肄業己卯中
鄉試二十七名此時雖賀客滿門而囊無一錢已自分
不入春闈矣是科座主少尉周立崖先生知之因挈與
偕行上道至京卽館於周宅明年庚辰成進士改庶吉
士葢自爲商以至成名盤根錯節卒紅青紫登瀛洲所
謂有志事竟成也辛巳授檢討益發績爲文章務爲古
文日館閣體爲大帽子故一時同官者羣指公律賦試

帖爲復古云甲申歲掌院薦公堪任府道引見記名
公益惕勵丁亥歲其子鑑與公兄闕奉太孺人孺人
來京就養戊子五月補國史館纂修官喜曰向恥素
餐無補絲毫今得藉手矣時患便血猶力疾赴館至八
月初六日屆順天鄉試上以公充同考官先是蜀中
近十科未有與茲選者公聞命下喜欲力疾入闈而
終以病委頓不能行又保舉御史亦以病困不能赴遂
至不起臨卒賦詩二章以示兄與子從容放筆而卒嗚
呼豈蒼蒼者生之而不能成之耶抑以一科名遂足償
其坎壈之遭耶世之享庸庸福者不乏矣豈有意獨增

于彼而減于此耶是皆其不可知者也公爲人耿介有節操凡赴人之難如救水火遇友有過不惜忠告人有負者亦不與較從未有凶終而隙末者以故疾病連年參苓之費皆出師友所助云所著有鶴林詩草十卷館課存稿十卷制藝二卷古文二卷俱屬余編次公生於雍正己酉年十一月十一日亥時卒於乾隆己丑年二月初五日酉時享年四十一公祖丕祚涇陽廩生

贈封文林郎翰林院檢討祖妣李氏 贈封孺人父鳳徵 誥封文林郎翰林院檢討母王氏 誥封孺人

配胡氏諱政公長女例封孺人子四長鑑次季官 鈔

四元官季官下三子俱先公卒女一殤明年將扶襯歸
葬於成都之祖墳余爲之銘曰

論其開闢洪洞涇陽論其事業商賈文章以云不達名
登廟廊以云官顯身在匡床府道御史如夢一場史館
房考如電一光嗚呼夫耶人耶吾不得而知其謚

謚封文林郎翰林院檢討例贈奉直大夫掌福建
道監察御史彥菴劉公墓誌銘

劉君諱溢號彥菴世居貴州遵義縣八甲紅江父志聖
生君二人長壽庠生次卽君也君太翁以遵義地窄人
稠遷居重慶之大足縣遂家焉君甫生八歲太孺人卒

卽喜讀書試輒冠軍補博士弟子員科歲皆前等學使
宋雅伯器之使入錦江書院肄業已酉入選拔卽丁父
憂以授徒爲業長君天成六齡失恃苦讀書患咳嗽人
謂童子勞君憂之及長君應童子試皆例前茅君曰向
恐不壽今如此非凡物也君孝友昆仲同居五十餘年
內外無間言其處鄉黨宗族周急濟貧每有向公借貸
不能償者遂焚其券有鄉人酒後無禮於公旁觀者爲
不平君從容謂衆曰彼已入醉鄉所言皆酒言也不必
與校次日其人愧悔詣謝公仍婉慰之其量如此君美
豐容長髯飄飄若仙望之令人生敬性尤好潔衣履雖

敝猶無片塵每日晨起常親身洒掃長君諫之公曰古人云掃地心常靜此豈下學功也持家勤儉常手書朱子家訓於座右見諸子有不合理者卽舉家訓以規之癸亥長君天成入泮癸酉旋入選拔是歲舉於鄉甲戌成進士入館選先是邑中百餘無登甲第者實自長君始甲申擢至臺垣君以書諭曰朝廷不以汝不肖以耳目寄汝家有歷代名臣奏議一書惜遠道難寄其價不過數金汝當節俸以購之庶立言得大體不致以瑣屑瀆天聽君時任慶符廣文五載辛巳遇覃恩以辭職就封請於上憲允之遂致仕還里自造一室規

模軒倣日夕焚香讀書其中丙戌春闈長君奉命內
監試與大總裁等朝夕一堂詢及起居時方值君誕辰
長君爲述其狀望山尹相國手書眉壽松姿匾額一道
詩四首叔度裘大司寇鳬山陸大宗伯亦各贈詩章壽
聯方以賚回而忽焉遐視可哀也已君生於康熙壬申
年十月十三日子時卒於乾隆己丑年六月十五日卯
時原娶王孺人諱玉振君女續娶譚孺人庠生命臣君
長女繼娶廖孺人庠生諱顯榮公次女俱誥封子四
長天成癸酉科拔貢是科舉人甲戌進士改庶吉士授
職檢討旋擢掌福建道監察御史譚孺人出宜人譚氏

歲貢生候補選訓導諱致中君長女次天位庠生娶韓氏諱易公四女次天恩庠生娶江氏次天賜娶楊氏俱廖孺人出將以明年某月某日卜葬于祖墳之西爲之銘曰

有開必先觀其德兮流芳何自始香國兮毓生麒麟邦
司直兮豺狼避道憇彈劾兮惟公義方負荷克兮吾鄉
之人永是則兮

誥授中憲大夫永定河道韞山陳公墓誌銘

永定河卽桑乾河古濕水也以其水濁故曰渾河以其
色黑故曰盧溝河又遷徙不常故曰無定河源出太原

天池伏流至朔州馬邑從雷山發爲渾泉合雲中諸水
經太行山東下會盧溝河入宛平縣界流注固安縣至
燕丹口分而爲二其一至通州入白河其一經小直沽
入運河俱入海河自南山以來水勢湍激亦資灌溉固
未嘗肆自出石景山東地平土疏至固安而下則大肆
奔駛分合靡常屢爲民患自金元明以來時修時決至
我朝順治八年辛卯河遂遷徙固安迤西幾七十里
嗣是歲有衝決康熙三十七年命撫臣于成龍築堤疏
濬自盧溝挖新河由固安北十里至永清朱家庄延袤
二百餘里廣十五丈始賜名永定並設南北岸分司

各一員後復命北岸兼理雍正四年始陞爲永定河道
總理渾河駐固安縣以專責成河員十八名雖隸于直
督而權獨歸道得人自安不得人則危任至重也歷任
河道亦皆治績卓著而求其不負任使首膺寵眷者爲
吾蜀陳公一人公諱琮字華國號韞山高祖起祥始卜
居南部遭獻賊之亂以父迎賓病不能行負匿山洞得
免于難遂失譜序起祥生惠疇惠疇生策三俱邑庠生
策三生子四長璜三璧四璿璧璿俱早卒次卽公也公
生而右手駢指爲人沉毅慷慨多智畧好讀書尤熟習
諸史其爲文淵深雄偉甫弱冠卽遊泮中丙子副車先

予肄業錦江書院交最深余後與已卯鄉薦入都公亦
赴國子監肄業余適官崇志堂學錄相與劇切琢磨以
圖科舉公忽謂余曰吾父母春秋高急須祿仕大丈夫
要當赤手博功名安能從文字間討生活乎遂就職州
判乾隆二十八年適直隸河工請員赴部應挑發永定
河委用補永清縣丞遇事敢爲於河工尤留心胼手胝
足不辭勞瘁每有建白輒中肯綮同官皆異之三十四
年陞固安縣知縣茂著循聲蒞任三載兩遭河決民田
被災俱親身履勘代請賑濟凡支放錢米必令部屋均
沾實惠奸胥蠹役失其侵漁上憲以爲能三十七年陞

南岸同知承修 玉皇廟 欽工次年 皇上巡幸

天津便道 閱視永定河堤時戶部尙書新建襄公曰
修久任總河深器之謂公曰君當以河員顯吾有替人
矣後金門間接 駕襄公密表公能奏對稱 旨卽于

天津 行在名見諭令總理永定河工程蓋異數也四
十年丁祖憂卽奔喪回藉 上諭總督周元理曰河工
不比軍功此人斷不可少准回家治喪百日卽赴直聽
用公九月抵里葬事畢卽于四十一年春來直次年服
闋仍補南岸同知時承修戒壇寺 欽工方竣次年十
二月復丁祖母喪而元配何恭人復卒四十六年服闋

仍赴直候補恭逢

皇上巡幸熱河委查密雲一帶

道路因得隨班恭迎

聖駕上諭軍機大臣曰永

定河同知陳琮熟習河工今安在令查取職名蓋昔年
新建公業經密薦已蒙天子記名屏風而公不知也
大吏聞之卽于四十七年委署東安縣事十二月卽題
補務關同知務關通永道屬也先是公爲固安令余方
赴京候補主事負債二百不能償赴固求伙適一贅者
趙鐵嘴能布算知星公密令互換八字以示之趙以手
撥算盤而笑曰此二命一京官六品一外官七品然外
官終爲京官屬員人俱不信公笑曰若是則愈可借也

遂若數交余而去至是予由廣東學政復命投通永

道謁予道署相見歡甚謂公曰趙鐵齋之言驗矣四十

九年春聖駕南巡於新城召見問河工事宜俱

稱旨是日賜宴賞貢緞二疋荷包一對貂皮一對

回鑿復于趙北口召見問堤工水勢奏對如前五

十年上自熱河回鑾於亭子召見詳問河工公

面請加培堤奉旨估辦五十一年巡幸五臺於半

壁店召見回鑾時又於新城召見問河工平安

否公奏對俱如聖裁是年秋上自熱河回鑾復

于南石槽召見問水勢大小工程等項及新修堤工

有益與否公一一奏對稱 旨天顏大悅五十三年二

月 巡幸天津於趙北口 召見問凌汛水勢奏如前

於左各庄 賜宴又于王家廠 召見面奏永定河下

口情形並 呈永定河全圖蒙 恩賞黃緞一疋袍料

三件貂皮一對 聖駕至桐栢村由軍機處傳 旨

取永定河簡明圖五月上赴熱河於密雲 召見問下

口情形及永定河平安公爲陳奏如 聖意公在永定

既久以永定河源流分合險夷遷徙卽在河年久者亦

難深晰若驟易生手必茫然失錯乃沿岸履勘準今酌

多方採集彙爲永定河志俾後之觀斯土者瞭如指

掌殫心考究三年乃成總督劉公我見之嘆曰渾河工程莫備于是矣五十四年三月初十日 聖駕驛蹕

湯山奏陳所輯永定河志已告成 上曰他去年所進

圖就好着軍機大臣閱看卽日 召見獎慰十八日軍

機處奏覆陳琮所輯永定河志分門別類體例尙屬整

齊恭錄歷年 皇上親臨指示 諭旨亦皆詳備奉

旨着交懋勤殿藏貯方謀刊志得疾旋歸至五月初

八日卒其卒時猶諄諄以 君恩未報爲言大吏以聞

上嗟悼久之連稱可惜可憫諭軍機大臣曰陳琮自

任永定河以來今經五年渾河安瀾無恙皆琮之力不

料其遽溢逝也先是蜀人在外任無爲大僚者惟予與公俱少同憲仕同省又俱爲觀察邀聖恩寵眷乃予任通永不克稱職深負聖恩所屬望補報者惟公一人而前任永定河道蘭第錫墜山東總河以公代之人皆謂公受上知有過于蘭指日總河可冀孰知竟止于此豈非蜀之不幸乎初太翁生公時夢一老翁自言固安人寤而生公公由縣丞至道皆固安斯亦奇矣人疑前身應此地土神云公善相度形勢永定道署舊在固安城中緣地勢低窪前憲奏改城外公適爲固安令相度修建輪奐一新及累陞是職後見四面軒廠初無

關局乃鳩工集事于東西二面挑成水渠中設一橋以
通往來外爲築堤垠署後地逼民產有願鬻者卽爲觀
之於四圍廣植楊柳春夏之交暢茂陰翳堤旣堅固景
亦宜人迄今稱善公素疎財好義固安近京百里凡在
都門京官以及守銓空乏之來告者無不傾囊以贈毋稍
吝色於親戚尤加厚焉更喜急人之難予被議發伊犁
當差公以百金走後余贖還有部核河工銀二千兩槩
然代余完納余有所刻函海叢書共二百六十種以負
梓人三百刻資扣板不發亦公代爲贖回及公卒之日
所借貸者無論有券無券皆携金至靈前還其子官林

慟哭而去其樂善感人如此而尤與予莫逆乾隆辛巳
余由通歸里道出固安公方受上眷赫奕甚乃不鄙棄
欣然出子女各一指示予曰君亦當出子女各一互爲
朱陳余笑而從之及公卒後予家居十餘年公子官林
余子朝龍皆畢婚嫁惜公不得見云公生于雍正九年
七月初四日巳時卒于乾隆五十四年五月初八日申
時享年五十有九 誥授中憲大夫直隸永定河道

配何氏

誥封恭人邑庠生世文公次女先卒祖惠

疇祖妣何氏父策三母趙氏俱以公貴贈如其官子六
長中林先卒娶杜氏鹽亭太學生英公長女守節不嫁

次三四五俱早卒六官林劉孺人出卽吾第六女壻也
女二長字原任隣水縣教諭元煒猶公長子二字吾次
子朝龍有詩文集二卷藏於家銘曰

舜咨四岳禹作司空熙帝之載惟克奮庸太行以南桑
乾以東誰其繼哉韞山之功賈讓留疏平當盡職誰其
邁哉韞山之德閬山峩峩閬水湯湯佳城永固世澤綿
長

誥封朝議大夫貴州南籠府知府唐公堯春墓誌
銘

余乙巳回里閏三年在什邡道中見有擁娶車丹旆而
童山文集卷十六

過者問之乃南籠太守之柩轡曰此吾友堯春也遂至
此乎是夜爲位旅次作輓詩二章哭之有車過腹應痛
灰然身已頽之句旣而欲臨其棺知其窆期尙有待也
今年八月余至省觀姪輩入闈長君張友以書來曰先
君柩不入土今日五年頃始卜地於武都山擇於九月
十八日安厝竊念先君至友惟父執一人而先君事迹
又惟父執知之甚悉歐陽公云先世碑銘必得蓄道德
而能文章者爲之始克傳世而行遠父執金石鴻文海
內奉爲至寶倘不仰邀鉅筆盡克壽世况吾先子之素
志也伏乞賜撰墓誌以光泉壤死且不朽余聞之愴然

曰堯春與余少同試於有司又嘗從先北路公遊且君
長女曾與甥兒結姻蓋親莫親於吾二人也余雖不敏
又安敢辭公諱樂宇字堯春號九峰先世居楚麻城五
世祖伯願始遷蜀之遂寧中順治甲午舉人累官至陝
西洮岷道祖載思公中康熙壬午舉人累官戶部廣東
清吏司員外郎先官綿竹訓導遂家焉父汪波公由貢
生官安徽桐城縣知縣生子九人九卽公也公生有夙
慧穎異過人讀書過目成誦下筆千言立就少長盡通
四書經史旁叅諸子百家下至天文地理之學無不窮
究壬午蜀闈典試正考爲懷寧丁丑銘先生得卷卽定

元矣後得他卷復易爲第六揭曉深以爲憾丙戌三甲
成進士授主事是科吾蜀井研雷雷峰銅梁王鎮之皆
二甲雷已館選王授部曹而公以一甲得主事奇遇也
籤授戶部公素明九章算法凡錢糧權稅步指便知摺
奏檔案過眼卽能檢出胥吏不得爲姦以是各司農皆
倚爲左右手金川之役辦理軍需奏銷事纖毫不爽今
大學士和相國尤器之堅員外郎保舉提督錢法堂監
督並保堅員外諭俸推堅禮部郎中和公仍奏回本部
山西司郎中兼充內庭方畧館纂修兼戶部則例館纂
修其見重如此由郎中推滿選授貴州平越府知府其

地亢旱幾半年公到任跣足至壇祈禱得雨人稱神君
又見山永秀美謂此中必多佳士及觀風而能文者寥
寥究其故則僻處邊隅久無師承而肄業亦無專所公
乃捐俸修墨香書院延浙江名孝廉葉夢麟爲掌教厚
其修脯設膏火擇其尤者十餘人親爲授受丙午科書
院中式者遂有蘇廷和甘思贊等數人蓋平越不開科
者已三十餘年矣上臺聞公賢能復調任南龍府南龍
幅幘遼濶苗民雜處刁健善訟積案如山有康熙初年
拖延未結者公蒞任月餘日則坐大堂決事夜則燃燭
閱案輒漏下四刻乃止案牘爲之一清以至積勞成疾

得嘔血症調養稍愈旋因公被議鐫級解任入京捐復
蒙恩仍以知府用隨丁母程太恭入艱時家口俱寄
寓湖南以中丞浦蒼霖舊農部同事也故依之復力疾
至長沙扶櫬歸里至夔州舊症復發卒于雲陽舟次享
年五十有三公爲人短視有目可瞻焉之誚然胸羅萬
卷兼精六壬五星並著有奇門紀要常于琉璃廠市得
西洋渾天銅儀購歸排列敷衍遂通勾股之法守南籠
時見太白行度非常私謂總鎮某曰君宜秣馬勵兵不
久當有警報矣是年果有臺灣之役群謂斯言有驗公
曰未也當在蜀徼外不三年西藏復告變其神驗如此

若官多異政當爲錢法堂監督時鑄工萬餘忽以私憤
致變公卽促駕撫之羣戒勿往公曰若輩無知豈可聽
其釀巨禍耶毅然入其羣曉以大義皆流涕服罪而去
又鑑神有祟每夜輒燭爐頭公問其狀則神前土偶身
役也以釘釘其足血出而祟息爲人滿酒絕俗性嗜酒
非酒不食不問家人生產好購書官監督時所入俸以
萬計盡以易書疊架盈榻雖朝炊不繼宴如也善譚諧
赴平越時空之不能具行李保定守爲同年王汝璧素
相善以缺暫拜謁王知其意辭以病公直下輿坐大堂
暖閣候久之竟不得見乃懸案上硃題詩於壁曰右諭

通知肅大堂主人從不會同鄉門前若遇拙豐客祇說
官今病在床投筆竟去其善謔如此少以詩名有桔柏
渡句云白沙十里月黃華半江湖人呼爲唐黃葉沒後
詩多散轍張雲谷其四子岳翁也爲之哀集復得三十
餘篇有送雲谷還固始一首已載余雨村詩話中其他
作多類是當屬其長君刻以傳世噫公之與余無日不
詩同吟酒同斟而余科第官階每占公先一着然生平
事無不歷歷可數及爲誌而年老善忘記憶僅此亦可
慨矣然人生在世可傳者原不在多也君嘗謂余曰我
年少於君必沒在君後善事我當爲君作佳誌雖一時

戲言嗟乎庸詎知六十餘歲人反爲五十餘歲人作誌
哉公生於乾隆己未四月初八日寅時卒於乾隆辛亥
三月十一日未時娶梅氏先公卒繼娶戴氏中江己卯
孝廉蜀州知州諱治女生一子張扶再娶朱氏生于六
張友岸生張瑤張恩張祿張岩張超俱業儒女四孫二
僊桂蔭桂以乙卯年葬於武都山之陽爲之銘曰
紫巖巍巍有異人兮佩玉鳴珂侍楓宸兮談天雕龍罔
不聞兮政在黔江跡未陳兮猿啼三峽駕風雲兮未竟
厥志貽後昆兮鬱鬱松岡安神魂兮